



01. Marts 2024

UPA2024/65

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Napparsimasut illersuisuannik pilersitsinissamut Inatsisissatut siunnersuuteqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Siumut gruppi)

Tunngavilersuut:

Napparsimasut aammalu Danmarkimut katsorsartikkiartorlutik angalasut atugaasa qanoq inneri inuit oqallittarfiitigut tusartuarpagut. Allaallumi inuit oqallittarfiisigut katersuiniarnerit naalliunnermik paasititsiniaanerit maanna initoorujussuannorsimallutik. Aaqqissuussaaniikkut pisortat peqqinnissaqarfiup katsorsaanerullu pitsaasumik ingerlanissaa akisussaaffigaat, tulluannngilluinnarporlu inuit attaveqatigiittarfiisigut erloqinermik paasititsiniaanerit imaaginnavissut ingerlanneqartuarnissaat tusaaneqarnissamik ujartuineq aallaavigalugu. Taamaappammi aaqqitassaqaarsimassaaq.

Napparsimasut Katsorsartittullu najugarisartik, ilaquuttatik aammalumi suliffitsik qimallugu aallartariaqartarput, ilaatigut arlalitsigullu aappaasut najuukkiartorlutik peqataasarput, tassanilu akissaatit allallu ajornartorsiuinngortarlutik. Assersuutigalugu Ilaqutariit nulia kræftertoq Danmarkimilu katsorsartittoq nulia qaammammut 5.000 isertitaqarpoq uiatalu nuliami ilaginera peqqutigalugu akissarsiatigut annertuumik annaasaqarpoq, ineqarnermut qaammammut aningaasartuutit 8.467 koruuniupput innaallagiamut 450 koruunit. Katsorsartinnermi peqqissartut inaanni nerisaqarneq ilaquttanut qanigisaasunullu akeqartinneqarpoq, nunatsinnilu akiligassat uninngitsut angerlarfissaqaqqissagunik aningaasat akiligassanut naammanngillat. Arlalippassuit taama nalaataqarput, napparsimasullu atugaat annerusumik avammut ersarissarneqarneq ajorput, taamaasilluni aaqqiissutissamik suleriarnissaq ungasinnerujussuulluni.

Napparsimasut oqaaseqartartua pisariaqarluinnarpoq pilersinneqarnissaa, tassami tassuuna ersarissumik napparsimasut qanigisaasullu atugaasa saqqummiunneqartalersinnaanissaat, minnerunngitsumik inatsisitigut napparsimasut qanigisaasullu saaffissaqarlutik periarfissanillu tamanik aqcutissiuunneqarsinnaalissallutik, aammalu inatsisit sukkut allannguuteqarsinnaanerani siunnersuisussanik, soorluttaaq Patient Hotel-miittarnermi qanigisaasut anisariaqartannginnissaat allallu periarfissiuunneqarnissaanut oqariartuuteqarsinnaanermut iluaqutaasinnaassamat, kiisalu aamma Patient hotel-it pisortaniit minnerunngitsumillu peqqissutsimut naalakkersuisuusuniit sumiginnakkat nakkutigineqarnerusinnaanerannut periarfissanik ammaasusinnaammat.



Napparsimasut kræft-tut qanigisaasalu illersuisuat/oqaaseqartartuata piaartumik pilersinneqarnissaa pisariaqarlunnarpoq isiginngitsuusaaginnarsinnaanilu.

Inuit pisinnaatitaaffii napparsimasunuttaaq aamma atuutsinneqarnerat ersarissarneqartariaqarpoq tunniunneqarsinnaasariaqarlunilu. Taamaattumik napparsimasut kræftertut allalu illersuisussaannik/oqaaseqartartuannik pilersitsinissaq pinartuuvoq misissuineramik ingerlatsivigineqaqqaartariaqanngitsoq.

Pisortanut aningaasatigut allaffissornikkullu kingunerisassai:

Atuuffiup utoqqaat oqaaseqartartuatut aningaasaqarnikkut missingersuutigineqarnissaa naatsorsuutiginarpoq, tamannalu ukiumut 1.813.000 kr missaani naleqarpoq. Tassunga ilanngullugu AC-fuldmægtigip ukiup ataatsip iluani inatsisiliornermik sulinissaa ilanngunneqassalluni, 500.000 kr missaani naleqarluni.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Napparsimasunut illersuisoqarnermiinnuttaasut atugaat pillugit ersarissuliorsinnaanerunissaq kiisalu aamma inatsisit atuuttut aallaavigalugit periarfissanik aporfinnillu qaammarsagaanerunissaneq pisinnaavoq, tamannalu innuttaasut napparsimasullu pisinnaatitaaffiinik ikorfartuissalluni.